



Rabu, 30 Juni 2021

Ogen: Kuan-kuanen 20:27



Pusuh Peraten



“Pusuh Peraten” eme bagin si mbagesna kal i bas dirinta. I bas kamus besar Bahasa Indonesia ituriken maka pusuh peraten e eme perasaan hati yang paling dalam. Lit telu bagin i bas dagingta enda maka ikataken kita nggeluh, eme, kula, daging si teridah; mata, cuping, tan, nahe, gurung ras sidebanna. sipeduaken ukur (jiwa), enda la teridah, tapi mbelin ngaruhna ku bas kegeluhen; mental, emosi, sura-sura. Sipeteluken pusuh peraten (hati nurani), perasaan si mbagesna kal i bas pusuhnta. Bas pusuh peraten me ingan Kesah Si Badia ringan.

Iberekén Tuhan man banta pusuh peraten, gelah banci si tandai dirinta jine. Tuhan mabai kita labo arah perukuren entah kula, tapi arah Kesah si Badia si ringan i bas pusuh peraten. I bas Padan si ndekah, Tuhan tading i bas kemah si Badia. Kemah e lit halamen bagin luar, lit ruang kudus ras lit ruang maha kudus. I bas ruang maha kudus me ingan Dibata ringan. Tapi ibas Padan si Mbaru kita manusia me jadi kemahNa, kulanta endaa me halamen luar, perukurenta me halaman dalam, ras pusuh peratennta me ruang maha kudus.

I bas pusuh peraten me Dibata ngajari kita gelah sitandai banta, selaku mahluk si meherga i bas Dibata, amin gia lit keterbatasenta. Kesah si Badia si lit bas pusuh peraten si ngajari kita nggeluh dem kesabaren, megenggeng, setia, erbahan mehuli, lemah lembut, ras ngasup nguasai diri. Pusuh peraten e la nggit erbahan dosa, ia bersih. Tupung kita erbual entah ngelakoken si jahat situhuna Kesah si ringan i bas pusuhnta e ngeran, ‘la mehuli si ibahanndu e.’ Labo Ku akap payo bage. Adi si begiken sora i bas psuh peratennta, Kesah e reh megegehna ngerana mabai kita ku perbahanen si mehuli. Tapi adi la sibegiken sora bas pusuh peraten e reh kitikna ia sibegi, janah banci dungna sora e bene. Ingetlah kesah e lit i bas pusuh peratenta, atena mabai kita bali ras Jesus. Keberhasilentanta bas kegeluhen lit i bas uga kita megiken ras ngikutken sora pusuh peraten sebab i je Kesah Dibata si mimpin kita.

✎ Dibata mimpin kita ibas pusuh peratenta